

BERTSOLARI TXAPELKETA NAGUSIA

2022

ARAUDIA



Edukiak

I.- HITZARMEN IZENPETZAILEAK.....	3
II.- IRIZPIDE OROKORRAK.....	4
III. SARRERA.....	5
IV. TXAPELKETAREN HELBURUAK	5
V. ANTOLAKUNTZA	6
VI. GAI-JARTZAILEAK ETA EPAILEAK	6
Gai-jartzaile Taldea:	6
Epaille Taldea:	6
VII. PARTE-HARTZEA.....	7
Faseak eta bakoitzeko parte-hartzaileak:	8
Parte-hartzea herrialdeka:	9
Epaitzeko irizpideak eta sailkapenak	9
VIII. EGUTEGIA, ZOZKETA ETA ORDEZKAPENAK	11
Saioen egutegia.....	11
Izen ematea	11
Zozketa.....	11
Ordezkapenak.....	12
IX. LANAK	14
X. ORDAINSARIAK ETA ORDAINKETA MODUA.....	15
XI. SARRERAK.....	15
XII.- ERABAKIGUNEAK.....	16

I.- HITZARMEN IZENPETZAILEAK

Alde batetik,

Euskal Herriko Bertsozale Elkarteko Zuzendaritzak, Koordinazio Taldeak eta Bertsolari Txapelketa Nagusia 2022ko antolakuntza arduradunak.

Beste aldetik,

Bertsolari Txapelketa Nagusia 2022 egitasmoan parte hartzen duten bertsolariek, gai-jartzaileek eta epaileek.

Jakitera ematen dute,

Hitzarmen honetan jasotzen diren arau eta eginbideak adostu eta sinatzen dituztela, dagozkien ondorioak eta eraginak izan ditzaten.

II.- IRIZPIDE OROKORRAK

1. Bertsolari Txapelketa Nagusia 2022ri dagokion araudia da ondoko dokumentua, eta bere eragina txapelketa honetara bakarrik mugatuko da.
2. Bertsolari Txapelketa Nagusia 2022 Euskal Herriko Bertsozale Elkartek antolatutako egitasmoa da.
3. Euskal Herriko Bertsozale Elkartek, legezko arau guztiak betetzen dituenak, bere gain hartzen du Bertsolari Txapelketa Nagusia 2022 modu duinean antolatzeko beharrezkoak diren bitartekoak bideratzeko ardura.
4. Araudi hau Koordinazio Taldeak landu eta Euskal Herriko Bertsozale Elkartaren Zuzendaritza Batzordeak onartu du 2022ko urtarilean.
5. Bertsolari Txapelketa Nagusia 2022 aurrera eramateko txapelketako Koordinazio Taldea osatu du elkartek. Koordinazio Taldearenak izango dira txapelketarekin lotutako erabakiak. Halaber, araudi honetan jaso gabeko egoeraren bat emango balitz, Koordinazio Taldearena izango da horri erantzuteko azken erabakia.
6. Bertsolariek, gai-jartzaileek eta epaileek Euskal Herriko Bertsozale Elkartaren esku uzten dituzte:
 - Bertsolari Txapelketa Nagusia 2022n sortutako emailtza osoaren kudeaketa eskubideak.
 - Irudi eskubideak, erabilera hau eduki ahal izateko:
 - Telebistaz, irratiz nahiz Internetez, zuzenean edo gerora eskainiz, Bertsolari Txapelketa Nagusia 2022ko saioak eman ahal izateko.
 - Bideo, audio, paper nahiz euskarri elektronikoetan ekoizturiko lagapenak edo ustiaketak egin ahal izateko.
 - Bertsozale Elkarteko Xenpelar Dokumentazio Zentroan artxibatzeko.
7. Bertsolari Txapelketa Nagusia 2022ko antolakuntzatik edo/eta ondorengo ekoizpenetatik eskura daitezkeen onura ekonomikoak Euskal Herriko Bertsozale Elkartaren egitasmoari laguntzeko bakarrik erabili ahal izango dira.
8. Koordinazio Taldeak parte-hartzaile guztien arteko komunikazioa eta errespetua bultzatuko ditu, eta ekarpenak bideratzeko beharrezkoak diren kanalak irekiko ditu. Parte-hartzaile guztiek dute desadostasunak agertu eta zabaltzeko aukera, beti ere errespetuz egiten bada.

III. SARRERA

2022ko udazkenean egingo da Bertsolari Txapelketa Nagusiaren 18. edizioa. Getxon abiatuko da irailaren 24an eta abenduaren 18an amaituko da Iruñean.

IV. TXAPELKETAREN HELBURUAK

1. Bertsogintza erdigunean kokatu:
 - Bertsolarien aniztasuna erakutsi.
 - Epaleei eta gai-jartzaileei formazioa eskaini eta zehar-lerroak kontuan hartu hautaketan.
 - Bertsogintzaren inguruko kritikak edo iruzkinak sustatu.
2. Herrialdeetako bertsogintza eta bertsolaritza islatu:
 - Herrietako bertso-eskolak balioan jarri.
 - Eragileen arteko elkarlana balioan jarri: bertso-eskolak, erakundeak...
 - Euskal Herri guztian ari gara lanean transmisioan, sustapenean eta ikerkuntzan.
3. Bertsozaleak erakarri/aktibatu:
 - Plazaren sustapenean edo aktibazioan lagungarri izatea bilatu
 - Plazaren sustapenean herrietako bertso-eskolen papera indartu.
4. Kulturgintzan eta euskalgintzan ekarpenak egin:
 - Saioak egingo diren herrietan eta inguruan presentzia izan.
 - Erdal komunitatean eta nazioartean eragin.
5. Bertsozale Elkarteak indartu:
 - Ekonomikoki:
 - Txapelketa elkartearentzat diru sarrera garrantzitsua izan dadila bermatu.
 - Finantzaketan lagunduko duten bidelagunak erakarri.
 - Bazkidetza handitu eta autofinantzatze handiagoa lortu.
 - Baliabideak indartzeari dagokienez:
 - Lantaldeak indartzen jarraitu: Sustapen Saila, Dokumentazio Saila, Komunikaziokoa...
 - Proiektuen ikusgarritasuna landu: Lanku, Xenpelar...

V. ANTOLAKUNTZA

Koordinazio Taldea: Euskal Herriko Bertsozale Elkarteko Sustapen Batzordeak ardura eman dionez, Koordinazio Taldeari dagokio egitasmoaren antolakuntza diseinatzea eta gauzatzea. Araudiaren eta egitasmoaren gaineko erabaki nagusiak Euskal Herriko Bertsozale Elkarteko Zuzendaritza Batzordeak aztertu eta berretsiko ditu. 3 azpi talde izango ditu antolaketako organigramak.

- Koordinazio Taldea: Amaia Goikoetxea, Ander Perez, Estibalitz Esteibar, Gontzal Agote, Idoia Trenor, Jon Agirresarobe, Maddi Ibaibarriaga eta Oier Iurramendi.
 - Bertsogintza Taldea: Ainhoa Urien, Eli Pagola, Idoia Trenor, Martin Aramendi eta Oier Iurramendi.
 - Logistika Taldea: Ander Perez, Eneritz Artetxe, Jon Agirresarobe, Ione Narbaiza, Maddi Ibaibarriaga, Ortzi Idoate Uxue Diaz de Cerio eta Xabi Torres.
 - Komunikazio Taldea: Amaia Goikoetxea, Ane Zuazubiskar, Eneko Salaberria, Eneritz Urkola, Estibalitz Esteibar, Kerman Diaz, Gaizka Azkarate, Maddi Ibaibarriaga eta Oihana Aranburu.

VI. GAI-JARTZAILEAK ETA EPAILEAK

Gai-jartzaile Taldea:

Gai-jartzaile Taldearen zeregina izango da bertsolariak bere sorkuntza lana ahalik eta egokien garatu dezan gaiak sortzea, gaien arteko oreka zaintzea eta gaiak isilpean gordetzea. Bertsolari Txapelketa Nagusia 2022ko gai guztiak jartzeko ardura izango du taldeak. Idoia Anzorandia izango da talde honen koordinatzailea.

Taldearen osaketa: Bertsozale Elkartean lehentasuna diren zehar-lerroekin bat eginda egingo da taldearen aukeraketa. Saioetako aurkezleak talde antolatzaileak izendatuko ditu.

Epaile Taldea:

Epaile Taldearen zeregina izango da bertsolarien lana epaitzea. Horretarako, Bertsolari Txapelketa Nagusia 2022rako onartu den epai irizpideen dokumentua erabiliko da.

Zazpi epailek eta idazkariak osatuko dute Bertsolari Txapelketa Nagusia 2022ko saio guztiak epaitzeko ardura izango duen epaimahaia.

Taldekidetxoak: Apirilean egingo da Bertsolari Txapelketa Nagusia 2022n epaitzen ariko diren kideen aukeraketa. Bertsozale Elkartean lehentasuna diren zeharlerroekin bat eginda egingo da aukeraketa. Gainera, taldekideek Epaile Eskola Iraunkorreko formazioetan parte hartu izana baloratuko da.

Ezinbestean baldintza hauek bete beharko ditu Epaile Taldeak:

- Txapelketako fase bakoitza epaile talde berberak epaituko du.
- Herrialde guztiek (Araba, Bizkaia, Gipuzkoa, Nafarroa eta Lapurdi-Baxenabarre-Zuberoa hirukoteak) gutxienez ordezkari bat izango dute.
- Epaileen kode etikoaren dokumentua onartu eta sinatu beharko dute.

VII. PARTE-HARTZEA

1. Parte-hartzea:

- a. Gehienez, 44 bertsolarik hartuko dute parte: izena ematen duten finalistek eta herrialdeetako txapelketetatik sailkatutakoek osatuko dute taldea.
- b. Bertsolari Txapelketa Nagusia 2022n parte hartu ahal izateko ezarritako epearen barruan izena eman behar dute horretarako eskubidea irabazi duten bertsolariek.

2. Betebeharrak:

- a. 2004. urtean edo lehenago sortutakoek har dezakete parte.
- b. Bertsozale Elkarteko bazkide izan behar dute.
- c. Araudia onartu behar dute.
- d. Saioaren egunean Gizarte Segurantzaren alta emanda egon behar dute.
 - Antolakuntzak Gizarte Segurantzari dagokion kudeaketa bideratuko du, eta parte-hartzaile bakoitzak bere egoera laboralaren berri emango dio antolakuntzari.

3. Konpromisoak:

- a. Txapelketako parte-hartzaile bakoitzak beste partaideenganako eta antolakuntzarenganako errespetuzko jokaera izateko konpromisoa hartuko du.
 - o Antolakuntzak emandako argibideak jarraitu.
 - o Ordutegiak zaindu.
- b. Entzuleenganako eta oholtzan dauden gainerako kideenganako errespetua dela eta, oholtza gaineko jarrerak zaintzeko konpromisoa hartuko du parte-hartzaileak (oholtza gaineko mugimenduak zaindu).

4. Eskubideak:

- a. Parte-hartzaile guztiek izango dute saio guztietara joateko gonbidapena. Antolakuntzak zehaztutako epean egin beharko

dute parte-hartzaileek bere gonbidapenaren erreserba. Hortik kanpo, ez da sarrerarik bermatuko.

5. Bertsolarien hutsuneak betetzeko irizpideak:

- a. Kanporaketen kasuan, parte hartuko ez duen bertsolariaren ordezkari sailkapena eman dion herrialdeko txapelketako hurrengo sailkatuak parte hartzeko aukera izango du, eskubide guztiekin.
 - o Atal honetan, ordezkari bertsolari guztiak ados baleude, moldaketak egon daitezke.
- b. Bertsolari Txapelketa Nagusia 2017ko finalisten kasuan, berriz, utzitako hutsuneak lehenengo faseko edo finalaurrekoetako lehenengo itzuliko hurrengo sailkatuek beteko dituzte, eskubide guztiekin.
- c. Bertsolari Txapelketa Nagusia 2017ko txapeldunaren kasuan, finalaurrekoetako hurrengo sailkatuak beteko luke eskubide guztiekin.

Faseak eta bakoitzeko parte-hartzaileak:

Hiru sailkapen fasetan banatuko da Bertsolari Txapelketa Nagusia 2022: lehenengo fasea, finalaurrekoak eta finala.

Lehenengo fasea. Hogeita hamasei bertsolarik jokatu dute fase hau, denak herrialdeetako txapelketetan sailkatuak. Sei bertsolariz osatutako sei talde egingo dira eta saio bakarrera lehiatuko dira.

Finalaurrekoak. Hogeita lau bertsolari lehiatuko dira fase honetan: izena eman duten Bertsolari Txapelketa Nagusia 2017ko finalistak eta lehenengo fasetik sailkatu direnak.

Bi buelta izango ditu finalaurrekoetako faseak: lau finalaurreko izango dira lehenengoan eta hiru bigarrenetan. Bi saioetako puntuazioak gehitu egingo dira, baina lehenengo bueltan puntu gutxien lortu dituzten sei bertsolariek bigarren bueltan kantatzeko aukera galduko dute. Taldeak aldatu egingo dira lehenengo bueltatik bigarrenean, lehenengo bueltako puntuazioan oinarrituta.

Finala. Zortzi bertsolarik izango dute finalean aritzeko eskubidea: Bertsolari Txapelketa Nagusia 2017ko txapeldunak eta finalaurrekoetatik sailkatutako bertsolariek. Hiru saiotan banatuko da ekitaldia: goizean zortzi bertsolarik jardungo dute, eta zortzi bertsolariekin emango zaio hasiera arratsaldeko jardunari. Azkenean, puntu gehien metatu duten bi bertsolarien arteko lehiarekin emango zaio amaiera.

Parte-hartzea herrialdeka:

Euskal Herriko Bertsozale Elkarteko Zuzendaritza Batzordeak, 2019ko maiatzaren 21ean egindako ohiko bilkuran, beste gaien artean, "Bertsolari Txapelketa Nagusia 2022: herrialdeetako kupoak" arautzeko Sustapen Sailak aurkeztutako proposamena aztertu eta gero, herrialdekako bertsolarien parte-hartzea honela banatzea erabaki zuen:

Bertsolari Txapelketa Nagusia 2022				
	Final laurdenak	Finalaurrekoak	Finala	Aukera dutenak
Kopurua	36	24-18	8	44
		Eskubidedunak	Eskubidedunak	
Araba	2	0	0	2
Bizkaia	10	1	0	11
Gipuzkoa	16	4	1	21
Iparraldea	3	2	0	5
Nafarroa	5	0	0	5

Epaitzeko irizpideak eta sailkapenak

- a. Bertsoak epaitzeko irizpideak. "Txapelketa Nagusia 2022 - Bertsoak epaitzeko irizpideak" dokumentua izango da epaileek aintzat hartuko dutena.
- b. Puntuaketa sistema: Oñik 10 puntura artekoa izango da epaile bakoitzak bertso bakoitzari eman diezaiokeen puntuazioa.
- c. Sailkapen sistema. Epaimahai osoaren puntu metaketa izango da puntu kopuru erabakitzailea, eta horren arabera finkatuko dira fase bakoitzeko sailkapenak. Berdinketak hausteko, berri, horretarako ezarritako irizpideei jarraituko zaie.
- d. Puntuaketak eta sailkapenak jendaurreko egiteko sistema. Hiru maila bereizi behar dira: ekitaldian bertan publiko egingo dena; hedabideen eskura jarriko dena; eta bertsolari parte-hartzaileei emango zaiena.
 - o Ekitaldian: Saio bakoitzaren amaieran, epaimahaiak bere osotasunean bertsolari bakoitzari eman dion puntuazioa publiko egingo da saioko aurkezlearen bitartez. Era berean, saioaren ostean, webgunean, bertsolari bakoitzak ariketa bakoitzean jaso duen puntuazioa agertuko da. Hedabideei ere horren berri emango zaie.
 - o Hedabideei: Saioaren ostean, webgunean, bertsolari bakoitzak ariketa bakoitzean jaso duen puntuazioa agertuko da. Hedabideei horren berri emango zaie.

- o Bertsolariei: Bertsolariek bakarrik izango dute eskubidea epaile bakoitzaren puntuazioa ikusteko, betiere, bakoitzak berea eta epaileen izen-abizenik erakutsi gabe. Horretarako, Bertsozale Elkarteko egoitzara joan beharko dute. Ezingo da Bertsozale Elkartearen egoitzatik dokumentuaren kopiarik atera.

Bertsolarien sailkapena fasetik fasera eta finala:

Finalaurrekoetara lehenengo faseko saio bakoitzean lehen postua eskuratzen duten seiak zuzenean, eta gainerakoak, fase osoko puntuazioaren arabera sailkapenari jarraituz.

Finalaurrekoetan lehenengo itzulitik bigarrenera: saio bakoitzeko irabazlea zuzenean pasako da hurrengo itzulira; puntu gehien batzen dituzten beste 14 bertsolariekin osatuko da finalaurrekoen bigarren itzulira pasatzen den taldea.

Finalera finalaurreko saio guztiak jokaturik, bi saiotan metatutako puntuen arabera egindako sailkapeneko lehenengo zazpi bertsolariak pasatuko dira.

Finalean bi bertsolarik jokatuko dute buruz burukoa, goiz eta arratsaldeko ariketetan puntu gehien lortu duten biek.

Berdinketa kasuak:

Sailkapena finkatzeko nahiz txapelketako edozein fasetan bi edo gehiagoren arteko puntu berdinketak hausteko, irizpide hauei jarraituko zaie hurrenez hurren:

Lehenengo fasean eta finalaurrekoetan

Lehenengo urratsa: Fase hauetako bakoitza amaiturik, epaimahaikoen fase osoko banan-banako sailkapenak egingo dira, eta epaile bakoitzaren sailkapenaren arabera sailkapen puntu kopurua emango zaio bertsolari bakoitzari (adb: zazpigarrenari 7 puntu); ondoren, epaimahaikoen sailkapen puntuen batuketa egin eta koefiziente txikiena duenaren alde erabakiko da.

Bigarren urratsa: Berdinketa badago, epaileen gehiengoak aurretik daukan bertsolaria pasako da aurrera.

Hirugarren urratsa: Kartzelako bakarkako lanean puntu gehien jaso duenaren alde erabakiko da.

Finalean

Buruz burukorako bi bertsolariak hautatzeko, eta eman daitezkeen gainerako berdinketa kasuetarako, lehenengo faseko eta finalaurrekoetako prozedurara joko da.

Txapelduna izendatzeko

Lehen urratsa: Finaleko lan osoa kontuan izanik, epaimahaikideen gehiengoak beren banakako sailkapenean aurretik daukan bertsolariaren alde erabakiko da.

Bigarrena: Berdinketak badirau, buruz burukoan puntu gehien batu dituenaren alde erabakiko da.

Hirugarrena: Oraindik berdinketak jarraitzen badu, buruz buruko kartzelako lanean puntu gehien batu dituenaren alde erabakiko da.

VIII. EGUTEGIA, ZOZKETA ETA ORDEZKAPENAK

Saioen egutegia

Saio guztiak 17:00etan hasiko dira, finala izan ezik.

Lehenengo fasea

2022-09-24	Larunbata	Getxo	Muxikaberri zentroa
2022-09-25	Igandea	Arrasate	Amaia antzokia
2022-10-01	Larunbata	Gotaine	Herriko gela
2022-10-02	Igandea	Gasteiz	Europa Biltzar Jauregia
2022-10-08	Igandea	Donostia	Victoria Eugenia antzokian
2022-10-09	Igandea	Lizarra	Los Llanos aretoa

Finalaurrekoak

2022-10-22	Larunbata	Elizondo	Baztan pilotalekua
2022-10-29	Larunbata	Garazi	Ezker pareta
2022-11-05	Larunbata	Irun	Ficoba
2022-11-12	Larunbata	Durango	Landako gunea
2022-11-19	Larunbata	Amurrio	Bañueta kiroldegia
2022-11-26	Larunbata	Baiona	Lauga
2022-12-03	Larunbata	Bilbo	Bizkaia pilotalekua

Finala

2022ko abenduaren 18an, Iruñeko Nafarroa Arenan. 11:00tan eta 16:30ean.

Izen ematea

- Apirilaren 1etik 13ra izango da.
- Bertsolari sailkatuei izen emate orria bidaliko zaie posta elektronikoz, bete dezaten.

Zozketa

- Saioak zozketaz erabakiko dira apirilaren 30ean egingo den saioan.
- Lehenengo faseko saioetan ez da talde-bururik izendatuko.
- Finalaurrekoetan ezberdin jokatu da fase batetik bestera:

- a. Lehenengo itzulian, Bertsolari Txapelketa Nagusia 2017ko finalistak eta lehenengo faseko saioak irabazi dituztenak izango dira talde-buru; gainontzekoak sailkapen zerrenda jarraituta kokatuko dira, zozketak utzi dituen hutsuneetan.
- b. Bigarrenengan, lehenengo itzuliko saio irabazleak izango dira talde-buru; gainontzekoak sailkapen zerrenda jarraituta kokatuko dira, zozketak utzi dituen hutsuneetan.

Ordezkapenak

Araudi honetan ezinezkoa da ordezkapenen kasuistika osoa aurreikusi eta zerrendatzea. Oso salbuespenekoa izango da ordezkapen bat onartzea, parte-hartzaile guztiengan zein antolakuntzan duen eraginagatik.

Egon litezkeen eskarien aurrean honako prozedura segituko da:

Apirilaren 30an egingo da zozketa. Egun konkreturen batean ezintasunen bat balego, zozketaren aurretik egin daitezke aldaketa eskaerak. Talde Antolatzaileak erabakiko du aldaketa onartu ala ez.

Zozketaren ondoren eskaerarik balego, Talde Antolatzaileak aztertuko luke eskaera.

Txapelketa abian jarririk, saioa jokatu aurreko egunetan agertuko balitz ezin hori, parte-hartzaileak lehenbailehen jakinarazi beharko dio antolakuntzari. Talde Antolatzaileak aldaketa onartzen duen ala ez erabakiko du. Onartu edo ez onartu, bertsolariak parte hartu ala ez erabaki beharko du gehienera Talde Antolatzaileak erabakia jakinarazi eta hurrengo hogeita lau ordutan.

Ez parte hartzea erabakiko balu edo epearen barruan erabakirik jakinaraziko ez balu, honela betekoa da bere lekua:

- c. **Lehenengo fasean:** Parte-hartzeari uko egin dion bertsolariari sailkapena eman dion herrialdeko txapelketako ordezekoak ordezkatzeko luke, eskubide guztiak bereganatuz.
 - i. Atal honetan, ordezeko bertsolari guztiak ados baleude, moldaketak egon daitezke.
- d. **Finalurrekoetan:** Lehenengo bueltan gertatzen bada, final-laurdenetako sailkapenari jarraituko zaio, eta eskubide guztiak bereganatzeko ditu ordezkatzailerak. Bigarren bueltan gertatzen bada, lehen bueltako sailkapenean hurrengoak ordezkatzeko du, eskubide guztiekin.
- e. **Finalean:** Finalurrekoetako sailkapenari jarraituko zaio. Goizeko saioa hasi aurretik gertatzen bada, finalurrekoetako sailkapeneko zerrendari jarraituko zaio, eta eskubide guztiekin sartuko da ordezkatzailerak. Arratsaldeko saioa hasi aurretik gertatzen bada, eskubide guztiak

galduko ditu ordezkatuak; ordezkatzaillearen lana puntuatu egingo da, baina ez du aurrera egiteko aukerarik izango. Buruz-burukoaren aurretik gertatzen bada berriz, ordura arte sailkapenean 3. postuan doanak ordezkatu du.

Aldaketak nola egin


Talde-buruak eta talde-buru ez direnak banatu egingo dira ordezkapen sistema finkatzeko.

Ordezkapen kasuak bideratzeko ordena bi mailatan ezarriko da, saio berean kantatuko duten bertsolarien artean: talde-buruak batetik eta gainontzekoak, bestetik. Aldaketa posibleak zehazteko bertsolariek zozketan atera duten ordena hartuko da kontutan, honako prozedura segituz:

- **Ordezkatua:** Talde Antolatzaileak aldaketarako aukera onartzen badu, hurrenkeraz saio bat atzera pasatuko da aldaketa eskatu duen bertsolaria. Saio honetan kantatzea ere posible ez bada eta emandako arrazoia Talde Antolatzaileak onartzen badu, saioz saio atzeratzen joango da ordezkapena posible izan arte.
- **Ordezkatzailea:** Talde-buruen kasuan (diagraman urdin ilunez): Talde-buru bakarra dagoen lekuan ez da zozketarik egingo. Talde-buruak bat baino gehiago direnean, zozketa bidez saiora heldu den azken bertsolaria izango da (2. bertsolaria) aldaketa kasuan lehen ordezkapen aukera. Ordezkapena eskatzeko irizpideak berberak onartuko dira ordezkatzailleak aldaketa egin nahi ez duen kasuetan ere. Aldaketa ez egiteko arrazoiak onartuz gero, aurrekoa (1. bertsolaria) litzateke ordezkatzaillea.

Beste bertsolarien kasuan (diagraman urdin argiz): zozketa bidez saiora heldu den azken bertsolaria izango da (6. bertsolaria) aldaketa kasuan lehen ordezkapen aukera. Ordezkapena eskatzeko irizpide berberak onartuko dira ordezkatzailleak aldaketa egin nahi ez duen kasuetan ere. Aldaketa ez egiteko arrazoiak onartuz gero, aurrekoa (5. bertsolaria) litzateke ordezkatzaillea.

Finalaurrekoen kasuan, prozedura bera segituko da. Kasu honetan, bertsolarien ordena ez da zehaztuko zozketa bidez, aurreko fasean lortutako puntuazioagatik baizik.



IX. LANAK

Lehen fasea

- Binaka, gaia emanda, hiruna bertso zortziko handian.
- Binaka, gaia emanda, hiruna bertso zortziko txikian.
- Banaka, lehen puntua emanda, hiru bertso zortziko txikian.
- Binaka, gaia emanda, hiruna bertso hamarreko txikian.
- Kartzelako lana: banaka, gaia emanda, hiru bertso nahi den doinu eta neurrian.

Finalaurrekoa: lehen itzulia

- Binaka, gaia emanda, hiruna bertso zortziko handian.
- Binaka, gaia emanda, hiruna bertso zortziko txikian.
- Binaka, gaia emanda, zortziko txikian puntutan, zortzi bertso osatu arte.
- Binaka, gaia emanda, hiruna bertso sei puntuko motzean.
- Kartzelako lana: banaka, gaia emanda, hiru bertso nahi den doinu eta neurrian.

Finalaurrekoa: bigarren itzulia

- Binaka, gaia emanda, hiruna bertso hamarreko txikian.
- Binaka, gaia emanda, hiruna bertso zortziko handian.
- Binaka, gaia emanda, hiruna bertso zortziko txikian.
- Kartzelako lana: banaka, lehen puntua emanda, bi bertso zortziko txikian eta gaia emanda, hiru bertso nahi den doinu eta neurrian

Finala:

➤ Goiza:

- Binaka, gaia emanda, hiruna bertso zortziko handian.
- Binaka, gaia emanda, hiruna bertso zortziko txikian.
- Banaka, lehen puntua emanda, hiru bertso zortziko txikian.
- Binaka, gaia emanda, hiruna bertso sei puntuko motzean.
- Kartzelako lana: banaka, gaia emanda, hiru bertso nahi den doinu eta neurrian.

➤ Arratsaldea:

- Binaka, gaia emanda, hiruna bertso hamarreko txikian.
- Binaka, gaia emanda, zortziko txikian puntutan, zortzi bertso osatu arte.
- Bakarka, gaia emanda, hiru bertso nahi den doinu eta neurrian

➤ Buruz burukoa:

- Binaka, gaia emanda, hiruna bertso Iparragirre doinuan.
- Binaka, gaia emanda, hiruna bertso zortziko txikian
- Banaka, hitza gaitzat emanda, bertso bat bederatziko txikian.
- Kartzelako lana: banaka, gaia emanda, hiru bertso nahi den doinu eta neurrian.

X. ORDAINSARIAK ETA ORDAINKETA MODUA

1. Bertsolari Txapelketa Nagusia 2022ko saioetan parte hartzeagatik **bertsolariek** ondorengoa jasoko dute gordinen:
 - Lehen fasea, bertsolarien ordainsaria: 257,4€ euro saioko
 - Lehen fasea, ordezeko bertsolarien ordainsaria: 66€ euro saioko
 - Finalaurrekoak, ordainsaria: 301,4€ euro saioko
 - Finalaurrekoa, ordezeko bertsolarien ordainsaria: 257,4€ euro saioko
 - Finala, bertsolari finalistak: 1.267,7€ saioa
 - Finala, bertsolari txapeldun-ordeari: 2087,3€ko saria.
 - Finala, bertsolari txapeldunari : 3880,3€-ko saria
 - Finala, ordezeko bertsolaria: 301,04€ saioa
2. Bertsolari Txapelketa Nagusia 2022ko saioetan parte-hartzeagatik **epaile eta idazkariak** ondorengoa jasoko dute gordinen:
 - Saio guztietan, epailearen eta idazkariaren ordainsaria: 139,15€ saioko
 - Saio guztietan, ordezeko epailearen ordainsaria: 77€ saioko
3. Bertsolari Txapelketa Nagusia 2022ko saioetan parte-hartzeagatik **gai-jartzaile eta aurkezleak** ondorengoa jasoko dute gordinen:
 - Saio guztietan, gai-emaile edo aurkezlearen ordainsaria: 139,15€ saioko
4. Antolakuntzak ordainketak egiteko egin beharreko kudeaketak bideratuko ditu, eta parte-hartzaile bakoitzak bere egoera laboralaren berri emango dio antolakuntzari.

XI. SARRERAK

1. www.bertsosarrerak.eus atarian salduko dira saio guztietako sarrerak.
2. Saioa jokatu den herrietan sarrerak fisikoak jarriko dira salgai.
3. Sarrera motak:
 - a. Bazkideak: Bertsozale Elkarteko bazkide direnek erosi ahal izango dituzte sarrera mota hauek.
 - b. Ez bazkideak: Edonork erosi ahal izango ditu sarrera mota hauek.
 - c. Gazteak: 18 urtetik beherakoek erosi ahal izango dituzte sarrera mota hauek.
4. Salneurriak:

	BAZKIDEAK	EZ BAZKIDEAK	GAZTEAK
LEHENENGO FASEA	10€	12€	6€
FINALAURREKOAK	14€	17€	10€
FINALA	30€	42€	20€

XII.- ERABAKIGUNEAK

Behin onartuta, araudi hau da Bertsolari Txapelketa Nagusia 2022aren gainerako erabakiak hartzeko eta prozedurak zehazteko marko nagusia. Txapelketako Koordinazio Taldearen ardura da hori aplikatzea.

Araudia honetan jasota dauden arauetan sortu litezkeen interpretazioen gainerako arazoak zein araudi honetan jasoa egon ez eta sortu litezkeen gertaerak modu honetan erabakiko dira: Txapelketako Koordinazio Taldeak eztabaidatuko du eta proposamenak egingo ditu. Proposamen hau Euskal Herriko Bertsozale Elkarteko Zuzendaritza Batzordeak onartuko du. Betiere, Zuzendaritza Batzordeak izango da azken hitza.

